

Eugen IV. an die päpstlichen Oratoren und Nuntien Io. Caruaial und Nicolaus de Cusa. Er fordert sie auf, die zum Martinstag angesetzte Tagfabrt in Nürnberg zu besuchen und den Anweisungen entsprechend, die er Carvajal vor dessen Abreise aus Florenz seinerzeit mündlich gegeben habe, König, Kurfürsten und Fürsten von der Neutralität abzubringen.

Kop. (17. Jb.): ROM, Arch. Vat., Arm. XXXIX 7a f. 335^{rv} (zahlreiche Löcher im Papier).

Druck: RTA XVII 197f. Nr. 92.

Erw.: Koch, Briefwechsel 10 Nr. 36; Bäumer, Eugen IV. 119.

Eugenius etc. Literas tuas, Io. Caruaial, scriptas Nurninberge cum introclusis cedula, item et eas, quas tu, N. de Cusa, dilecto filio Francisco de Padua thesaurario nostro scripsisti ex Maguntia, accurate legimus et communem utrique vestrum responsionem facimus ad ea, que oportet. Certificamus unumquemque vestrum in primis, quod nostrę intentionis est, ut uterque vestrum se reperiat in dieta Nirinbergensi ad festum sancti Martini instituta. Et quoniam per literas utriusque vestrum intelligimus vos esse disiunctos 5 et ad diversa loca declinasse, volumus, ut per dies aliquot ante dietam in dicto loco conveniatis et iustitiam nostram [et sanctę] sedis apostolicę, ut hactenus fecistis, in dicta dieta ostendatis omni studio [et di]ligntia. Omnia vero, que a vobis gesta sunt, et dum simul et separati fuistis, nobis grata extiterunt.

Verum quia intelligimus diversa esse iudicia eorum, qui causę et iusticię nostrę patrocinium ferunt, et sic diversa vobis consilia prestant[ur], volumus vos certificare, quod nostrę intentionis est in resp onsiōne ora- 10 torum carissimi in Christo filii Frederici electi in Romanorum regem et venerabilium fratrum et nobilium virorum dilectorum filiorum nostrorum Romani imperii electorum permanere et constanter perseverare. Et quemadmodum per alias vobis significavimus, idem electus quasdā ad nos literas et venerabiles fratres nostros s. R. e. cardinales scripsit²⁾, et literarum suarum et responsionis nostrę copias³⁾ tam ad Alamaniam quam ad Viennam transmisimus. Et quoniam nuntius, qui ad Viennam missus est, neutrum ex vobis 15 reperit, literas et copias reportavit. Commisimus autem iterum per diversos nuntios remittendas. Ex quibus clare intelligetis, quam sit constans et firma nostra voluntas et similiter dictorum fratrum nostrorum ea prosequi, que in dicta prima responsione inserta sunt. Itaque non opus est alias oblationes facere nec alium tractatum inire, quam tibi, Io. Caruaial, in discessu tuo a Florentia commissum fuerit. Vestrum ergo officium erit ipsius electi serenitatem et electores p̄fatos et principes Alamanie, qui in dieta fuerint, ad depo- 20 sitionem inprimis neutralitatis primum exhortari rationibus efficacibus, que pro vestra prudentia vobis non deęrunt; deinde, ut se piis votis et desiderii nostris et p̄fatorum fratrum nostrorum pro [pace], unione et reformatione ecclesie, pro imperii qualitate, [pro eorum] d[ebito] atque salute fidelium, pro incremento fidei, pro infidelium depressione conformare velint. Invenietis etenim nos paratissimos ad omnia, que dei honorem et eorum consolationem et bonum statum concernunt. Si vero impiis consiliis paucorum 25 hereticorum, qui Basileę remanserunt, acquiescere volent, non modo hec sancta opera, que p̄diximus, perturbabunt, sed eorum culpa orientur et in ecclesia et in imperio scandala gravi[ora. Alia, que] in literis vestris continentur, diligenter ponderavi[mus et eorum], qui in hac temporum malignitate favent iustitię nostrę et apostolicę sedis, nusquam immemores erimus. Hortemini eos ad perseverantiam et defensionem veritatis et iustitię nostrę. Reliquum est, dilecti filii, ut in his dubiis vos ipsos studio et diligentia superare 30 conemini et inter cetera omnia, que cognitione digna fore putaveritis, confestim nobis significare curetis. Datum Rome anno.

2 ex: et 10–11 oratorum *Randkorrektur für* oratoribus 13 alias: alios significavimus: significa-
mus 19 a: ad 20 fuerint: fuerunt 27 orientur: orientum.

¹⁾ Eugen IV. traf 1443 IX 29 in Rom ein.

²⁾ Schreiben von 1443 VI 25; RTA XVII 152–154 Nr. 63f. Über die in Z. 11f. erwähnte Gesandtschaft s. RTA XVII 9f. und 47–65.

³⁾ Antwort Eugens IV. 1443 VIII 25; RTA XVII 174–178 Nr. 72.